



燕石集

宋蔚如先生手校本

書鈔閣藏

皇帝聖旨裏中書省御史臺呈據監察御史段弼楊惠王
思順蘇寧等呈嘗謂文章天下之公器不可無傳薦敷言
責之所先詎容緘隱竊見故翰林直學士亞中大夫知制
誥同脩國史兼經筵宋褰行脩而潔學正以醇識量宏遠
而能守乎堅貞文章清麗而不越乎軌範與兄本俱由進
士並擢魏科旋歷清顯一時聲華播紳奕曄觀其翰林供
奉史館著述之暇作為詩文記序碑誌雜文一十五卷或
嚴謹純正或瑰瑋雄贍或清婉富麗出入乎班馬之場遊
騁乎嚴徐之行頡頏於沈謝之間是皆無忝誠可表儀後
進宜從憲臺具呈中書省於行省有錢糧學校官為刊行
不惟斯人有光亦可以彰我朝文治之盛具呈照詳得此



送據禮部呈議得上項事理合准監察御史所言依已擬
刊行相應如蒙准呈照宜從都省移咨江浙省於各路有
錢糧學校內刊印行呈詳得此都省合行移咨請照驗依
上施行須至咨者

右

咨

浙江等處行中書省

至正八年八月

日

省掾郭泰亨

宋翰林燕石集序

漢初詩學方興燕人韓嬰作外傳數萬言史稱其言與齊
魯殊又言嬰嘗傳易燕趙間人喜詩故詩傳而易微余讀
是有以知燕之為詩蓋千有餘年於此外傳言奇詭卓犖
而詩之為教本乎山川之風氣人物之性情者也燕東並
遼海通蓬萊西北控并塞自昭王好神仙往招致畸人
方士於其國至若豪俠則易水之歌漸離之筑楚漢間安
期生崩通兩人者則又嘗合二者之奇為一矣其風聲氣
習歲月之鬱湮世故之感發不激為變宮變徵之流則溢
出為騷雅歌行之盛一氣機之宣流耳翰林薊門宋君顯
夫眎予詩若干首余讀盡卷求一言之陳無有也雖大堤

之謠出塞之曲時或馳騁乎江文通劉越石諸賢之間而
燕人凌雲不羈之氣慷慨赴節之音一轉而為清新秀偉
之作吾知齊魯老生之不能及是也奈何猶以燕石自名
其集邪顯夫年強仕所作當日富所造詣未易窺姑序余
所睹記如是云

至順元年三月丙子奉政大夫藝文少監長沙歐陽玄序

延祐中朝廷大興文治予友宋顯夫從其兄誠夫自江南

其面而大小宋之名隱然傳播於京都未幾誠

夫果魁多士久之顯夫亦賜同進士出身初顯夫兄弟從
親宦遊於江漢之間日益貧窶衣食時或不充故其為學
精深堅苦下至稗官傳記亦無不覽詩尤清新飄逸間出
竒古若盧仝李賀之流益喜其詞以模擬之及聞貢舉詔
下始習經義策問既擢第遂入館閣為校書編脩撰待
制又嘗為太禧掌故中臺御史山南僉憲最後由國子司
業入翰林為直學士至正丙戌之春年五十三以卒謚曰
文清誠夫累官至禮部尚書國子祭酒謚曰正獻始者誠
夫之卒顯夫屬予序其文後今顯夫之亡其子國子生顓

彙其稿徵序於予夫宋氏文學之偉固不待予言而傳也第念伯仲方以才能進用不極其至相繼而逝此中外有識之士重悼惜也昔者仁皇開設貢舉本以敷求賢才作興治化今觀累舉得人之盛或才識所長裨益國政或文章之工黼黻皇猷議者不得盡以迂踈異懦詆訾之也嗚呼去古雖遠士之卓然能有所見毅然能有所守又豈無其人哉彼或誅之以利害視之禍福事弗合義言不中度詭隨而或不能盡識也予以交遊之久故深知之知之深則哀之也切是則國家承平百年德澤涵濡而庠序樂育多士之功豈第求其文章言語之工而已顯夫家本京師故題其集曰燕石云

至正六年冬十月朔集賢侍講學士通奉大夫兼國子祭酒趙郡蘇天爵序

予卧病田廬有禁近之擢迫命就道惶汗無措而復竊自
喜幸故人宋君顯夫寔直學士協恭侍從自公論文亦一
樂也比予入京前十五日而顯夫卒矣予病亟歸不得省
其孤承詔復來顯夫已贈國子祭酒謚文清思而不可見
惜哉孤顛奉燕石集拜泣且曰此先子所遺兄曠編次者
也世父至治集公實序之敢援例以請予序誠夫文不一
紀又序其弟人之生世其可悲也夫昔顯夫兄弟入京首
與予遊盡眎予所著睽離有作必寄故知其長蚤且悉也
及閱顯夫稿則未相識時歌詩已嘗及予重以三十年分
誼之篤可辭乎國家設貢舉陶天下以經術餘三十年矣
文當日昌而名能著見者何其指之不多屈也積儲之不

厚也造詣之不遠也取而隨竭發而自耗拘拘規倣而俛
俛乎所適者欲昌得乎惟其有所本也有所參也該洽沈
潛心有所得濟以定力而熟之則於 也決淵渟而灌溝
澮策堅良而走康莊庶乎其遠矣顯夫登甲子科考其作
未有貢舉前已汨 矣眠誘利祿而重失得忽于播而急
於獲者不有間乎人知其才而不究其積儲造詣之有素
也故予序其集而原其得俾後之觀者有激焉集凡若干
卷文若詩樂府若干首自名燕石然世皆信其為玉也曠
由奉禮郎為丞相東曹掾彙從父之文不使遺逸不媿顯
夫之 矣顓甫襄事即謀刻父文宋之後其益昌矣哉
至正六年歲在丙戌冬十一月既望翰林學士承旨榮祿

大夫知制誥兼脩國史知經筵事安陽許有壬序

宋君顯夫諱聚大都人由進士累官至翰林直學士知制誥同脩國史贈中大夫國子祭酒勳輕車都尉爵范陽郡侯謚文清其先君前至元初宦遊江左時君猶未生諸兄隨侍去延祐間偕次兄國子祭酒諱本始還京師鄰人莫能識朝士大夫亦莫知之也宋族中一二長老纔能記憶祭酒以古文著稱亦精於稗子書顯夫獨以詩行不半歲交上下聲名籍甚號曰大宋小宋祭酒公至治辛酉進士及第顯夫恭定甲子始登科實與予同年元統二年祭酒公長成均予以司業貳顯夫嘗俱考文出東相知益深既而祭酒薨又十三年顯夫亦去世嗚呼痛哉祭酒有至治集而顯夫之子顓持君平日所作求序曰此先人手澤也

自名其編曰燕石又曰苦心荀子曰藝至無兩能祭酒既能文而善於詩顯夫既能於詩而善於文體制足尚可謂能矣歐陽子曰窮而後工詩兩公揚歷臺省俱為祭酒可謂達矣雖然詩之列於經非藝也風形邦國雅建朝廷頌告神明於以觀失得而識治亂蓋聲音之譜性情之典也詩變為騷變為賦漢魏而下盛於唐人苦心鏤刻極於思致視屈宋猶霄壤而況於風雅乎宋金以來唐人又遠矣清公兄弟出學詩者方脫畧宋金之習可謂有功於詩學矣自兩公之歿想其流風餘韻而未及方悲悼之無已籲又拜懇甚至於是乎序

資善大夫中書左丞知經筵事太原呂思誠謹書

燕石集後序

翰林直學士廣陽宋公既卒且塋其猶子奉禮郎曠狀公之行又與公子籲編次遺文十有五屬素校其脫誤而并序其後比公以國子司業為史官素實同脩宋史及在經筵為公屬吏其何敢辭素方弱冠在江南山中聞公與伯氏正獻公自江湖北歸名聲籍甚若晉二陸之入洛也未幾正獻公對策大廷遂魁多士又四十年公亦舉進士天下方期公兄弟至於大用然皆官三品壽不及六十而正論人才者不能不為之慨嘆焉然其志之所存者徒託諸策而已公之於詩精深幽麗而長於諷諭其文溫潤而完潔固足以成一家之言况隆於孝友而稱其情文者也嘗

稽諸史燕之地昔者固多賢雋之士及唐室藩鎮强大石敬瑭割其土以賂契丹更宋與金兵戈相尋其民無復休養生息之樂至於詩書禮樂有弗遑及歷數百年而神元定都於此投戈息馬風俗丕變公之昆弟皆能奮自孤苦有所樹立豈其適當休明之運以至然歟然則雖用之不竟其才而其所傳者則固在此不在彼公之昆弟亦可以無憾矣正獻公歿公狀其行輯錄其文今曠之事公者又如此則宋氏之家法尤可稱也公諱褰字顯夫歷官行事當勒之墓碑書之國史此不著

至正七年七月甲辰應奉翰林文字文林郎危素序

宋翰林燕石集目錄

姪太常奉禮郎曠 編次
應奉翰林文字危素 校正

第一卷

古賦 三首

古詩 四言 一首

第二卷

古詩 五言 二十八首

第三卷

古詩 七言 二十二首

第四卷

雜詩 五首

古樂府 五十首

第五卷

律詩 五言

六十八首

絕句 五言

十五首

第六卷

律詩 七言

六十五首

第七卷

律詩 七言

八十九首

第八卷

絕句 七言

一百六十二首

第九卷

絕句 七言

一百七十二首

第十卷

絕句 六言 十首

近體樂府 四十首

第十一卷

表 七首

上梁文 一首

祝文 三十三首

第十二卷

記 十首

序 九首

第十三卷

雜著 十二首

祭文 六首

第十四卷

碑誌 十二首

第十五卷

行狀一首

傳三首

跋十首

附錄

謚議

墓誌

祭文

挽詩

燕石集卷第一

古賦

勗志賦 延祐己未

姪太常奉禮郎 曠 編次
應奉翰林文字危素 校正

伊我生之肇始兮荷陶植於玄鈞稟粹質為乾道兮值中
夏之昌辰靈賦余以淑德兮烏敢昧於持循承啓迪於兄
考兮懼速戾而恒履矧干戈耒耜之勞兮曾少逮於吾身
苟怠棄於服行兮奚古訓之可親悵中經於艱窶兮胡筆
舌之能矢粵吾降於靈均之故家兮氓泰擴而俗鄙逮巡
波而東逝兮塵弭節乎南紀何通都大邦之不能一窺兮

獲請業於鉅夫與夫名士守窮廬而矻矻兮財甘龜之可
齒戀嫪蔕枕乎經史兮邈疇探其源委慨歲年之不吾予
兮顧總角之深悔力不已於大猷兮庶免夫自畫之耻荃
不察夫余衷兮謂盛時之可仕仰學優之明訓兮患何能
而立位抑巖廊之名器兮詎偏鵠之可覲恧次且而求人
兮畏干祿之譏嘗將貞素之全以天兮保父書而卒歲委流
行於坎止兮順大命之所俾及神聖之當宁兮闡斯文乎
明昌軼前王之太比兮攷德藝而登揚蕭艾摧殄兮蕙蓀
菊芳鸞鳳騫翥兮鷓鴣不翔群龍滿朝兮尉羅畢張余惟
幸際此休期兮願踵武於髦英雖青雲之不可以力致兮
我父命之疾徐然逐禽而克庖兮審徒搏之焉如南困積

牟丘山兮亦墜菑之力也騁羈鞞於天衢兮在駑駘之習
也甘賤貧于有道之世兮匪君子之德也曷進脩之不釋
兮茲人爵之得也豈上求之不篤兮內省以何而應旃紛
蛾眉之競進兮妾獨後夫嬋媛或謂予之銜技求售兮惜
今致身之頗偏曰慎言行俟夫旌幣兮在仰希乎聖賢遂
激詞以復之兮若獨未徵乎徃古途雖殊而歸則同兮均
貴乎濟時而匡主余忱不足以為則兮豈前脩由之而亦
悞彼歧蹊捷徑固可醜兮胡不遵此先路縱得喪之少拂
兮敢他人之是怒惟敬書而究道兮誠矢死而弗錯亂曰
貴與富兮漠浮雲兮上窺陶虞致吾君兮年與時馳惜寸
分兮彼蒼孔昭斯志信兮

淄翠石賦有序

濟南張公子惟健得靈壁石方而厚兩峯相連右高而左不及中微斷不絕腹背有凹痕脩以直若泉溜致然者云類其鄉鵲山製名淄翠石日示余且徵賦曰

圓穹孕靈品彙賦形有萬不同恠狀異名寓至道於隱蹟
供撫玩於高明爰即物而究理詎役志而娛情繫珎禽與
瑰葩恒被寵而叨榮矧茲石之有取宜公子之見稱其始
也山英會神元氣聚精澗谷獻瑞岩穴奏禎挺一拳之瑰
特結千歲之堅貞潤涵雨雲幽入杳冥黝暈蒼容鐵質金
聲澹烟霏之紆拂絕文蘇之滋生細逕直痕嵌翠凹青殆
寒泉之引脉積歲月而滌成恍顏墻之屹立溜銀竹之勻
傾右聳左隕面古背平擬蓮峰底柱之危鄙蔓壑枝峯之

縈竦然若鉅人元夫之襟度凜然若直臣烈士之儀刑方
鵲山而具體於凝雲而友朋先畜一石宜其承以文木錫號凝雲
以華號而叅諸筆硯之盟彼平泉誓子米狂呼兄為尤物
之所惑又何免夫君子之譏評也和乃有塵表逸人守素
養和即絃誦之宴閒撫玉立之嗟峨挹松風於清晝援綠
綺於庭阿攄情繹思而為淄翠之歌曰嶽崮峭拔石之
質兮凝神正體石之德兮伊人剛方與石匹兮敬壽公子
服之無斃兮

陽燧賦會試

周禮司烜氏掌以夫燧取明火于日注云夫燧陽燧也取日之火欲得潔氣明燭以照陳饌
神聖制禮厥氣具張爰備典秩爰著彝章品類寔繁有遂

曰陽載鎔載範孔瑩且彰至明比德於水鑒至圓儷則于
穹蒼湛兮若清水之凝於玄冥皎兮若太陰之臨於素商
靡氛垢之污染乏塵翳之蔽障慨流傳之有自豈鼓鑄之
無方匪稽古之髦士奚制度之能詳及乎燔柴於圓丘薦
裸於明堂大禮將歲明禋是享天高日晶霧闢雲藏烜氏
敬蒞其職業秋卿祇奉其故常持時質以承絜氣對景曜
以受烈光以明照明感天象於高遠以陽求陽索火德於
渺茫倏始焉而耿：遽愈熾而煌：所以灼庭燎於墀陛
所以蕪熾燭於壇場交輝於簠簋豆邊之位布焰於牲酒
珪幣之行由禮器之妙用昭祀典之齊莊抑嘗謂火之為
象近著於世擊石匪妄鑽木甚易叩門而無弗與束蘊可

奧
以立致燧之為物人所裁製以金之材受火之制仰列陰
體俯翕陽氣然而聖人必遠求於天而近捨諸地于以見
致潔清而敬明神又以見五行之奧理及神聖創物之上
智至若燧人之鑽童子之佩其義雖同而其形又異也烏
虜觀物可以省身窮理而後知至炯然方寸虛靈不昧推
善端而擴充自微燭而昭晰是則明：之靈臺又乃吾身
之陽燧

古詩 四言

座主學士虞先生眉菴詩

厥初生人感善孕靈竅骸膚髮各踐乃形曰睹曰聞克持
克履効職爾勞不具爾耻唯眉于面既崇且優明：容觀

踈爽潔脩頰 瞰群役靡愆 矧不羸于壯 耄亦靡
捐舒泰者喜 憂形則 曠無矯無俞表裡天君
世貴適用我 罔或選之有忽于茲 我莫敢與之允矣君子
顧諟斯義 小子詩之式告執事

燕石集卷第一

燕石集卷第二

古詩 五言

日出齊化門 都城東出南頭第一門

日出齊化門 騰開九光四面啓金鑰 崇扉闢輝煌都城
萬井烟沃盥 整衣裳納履戒車馬 出入紛倉皇士者趨名
譽 魚佩鏘琳琅 鄙夫競錐刀 蠅子羅康莊 大明忽西頽 所
遇皆不常 事頭搶地得志驕 昂擾攘千萬情 四序恒
茫 馭天風弭節白雲鄉 左驂碧虹蜺 右駕紫鳳凰
俯視塵土海 靈臺愁悲傷 誓將九轉丹 投之療膏肓 魏
金銀宮境界殊 清涼凡骨倘有緣 握手同徜徉

送魏通甫南歸

魏君江海儒孟浪遊天都天都產功名豪俠爭奔趨子雲
老太玄紫綬金張紆吾儕赤手來抱藝將何如時無解貂
人太白悲窮途晨炊待桂玉惡况那能祛涼風西北來塵
埃與之俱秋清氣寥瑟愁悲塞中區駕言欲南還感激仍
躊躕豈不願君留潜珍俟須臾江南垂白親日夕恒倚閭
袖中出毛檄入室聊歡娛斗食勿羞薄再舉冲天衢

雪寒書事廿六韻 延祐己未在樂亭縣作

幽雲敷層霄狂吹趣陰霰氛霾互黥黥雨雪事交戰彌空
始糝屑降地施削片斯須萬彙失頃刻九有遍霏集顏
堦皜被遐甸危峯冒周圭廣陌曳齊練崇陵受委積枯
枿容挂眉况縞未足多擬絮差可善通達駭連璐塊壤訝

瑰瓌

垂瑱堦平惡漫沒谷

煩褰箔燭幌助披卷

氣清華蓋爽光爛銀海眩太素靡污垢至樸謝瓊瑤人蹤
絕徃反野色一更變積陰若膠轄祁寒病增羨晨衣襲狐
貉夜席益筦薦衾重初昏寢薪濕停午膳嚴威折續帛凍
壘裂盍鬣髮森憚去笠指直愁結柝凌堅菜蕪釜漸瑩歛
溪硯羈人畜怨憾狩將坐畏悞虎士跼趾豚馬走牙齒顫
罷眊歸禁痒陋邑矧饑荐屋潤僅自侈室匱疇與唁窮荒
覲吹律凝沍需見覲揮翰書目繁敢以古雅銜

送項鍊師還天台

海岸山岩堯飛霞凌紫霄中棲鍊形子綠髮顏不凋漆點
雙瞳人神授養生訣暮乘赤城風晨謁玉京闕振迅鶴覽

朝
淨翱翔鳧鳥輕金丹
愛惜綠酒陶性情
我慚塵士姿
解結方外友
忘形時一見
談屑紛在口
合朝聞還山
惜別令人嗟
相思欲相見
難訪碧桃花

松濤齋

華省樹鸞：繁聲發中宵
詎非漆園籟
謂是廣陵潮
羽葆蕩流月
鳳吹激商飈
永言託棲息
聽此滌煩囂

中秋陪謝敬德脩撰達兼善典籤誠夫兄學士會飲

周子嘉如舟亭交命險韻十二依次詩得賞字

秋川澄苻涼
樾墜粟橡雅集融
酒尊緩步阮屐
納華構故依岸
危欄欲飄甌
夕齋滌煩囂
時清侈歡賞
寒光揭寶鑑
灑氣凝銅掌
翔翹仙蛻骨
鼓舞兒釋襁
初窺祇開軒
久

眺還倚杖林鳥驚
倦翼莎菴薦哀響
緬襄谷之盤
未卜川若輞
典籤雄朔客
太史詫川黨
交觥罰如讐
探策心遽駟
主人畫舫齋
坐客龍虎榜

群玉司崔元方琅然亭

幽人虛白室
理琴恒自怡
聲兼碧玉調
弦是水晶絲
涼颼動脩樾
皓月涵清池
至音一入耳
四座無邪思

送李漑之得請還濟南

寄
髻鬢客江漢
早聞高士名
君居玉沙縣
我在渚宮城
弱小知慕君
不得覲君面
道路播詞章
庸俗矜俊彥
騏驎厭庭戶
鸞鳳悲草萊
英標出世表
去黃金臺
風塵綺陌深
烟霧玉堂
宵浩歌香爐
峰巢雲寄木杪
朝辭九華頂
暮宿黃

更

鶴樓綸巾紫鳳褐欲去仍或留竭來重翱翔五十霜鬢秋
瀛洲列群仙蓬山擷蘭芷一登鸞坡峻再陟阿閣崇牙符
雜珂珮通籍金閨中謁帝興聖宮迴車歷城道矯首凌天
風振衣下瑤島東望華不注烟霞齊魯言歸理松楸嘯
傲依 均緬想共君遊不得恒聚首叩首屢投刺塵鞅阻
文酒雨濯野山色晴飛溪柳花明發遂長往憐君離思賒
雲漢耀奎文長庚麗其下天書行召還豈是栖者

濟州李氏一門娣姒四人貞節

玉樹摧秋霜總帳悲夜涼松柏爭厲操蘭蕙俱流芳悽楚
僅一子儀形自見 共 怨毒苦不知年命長 李氏昆弟五人温良
敬讓皆未及廿歲卒俱無子惟茂一子今存

和王師魯哭子詩廿七韻

我識王內翰早歲賦美質筮仕困州縣處友固膠漆擗辭
若纂組粲爛錦成匹福善宜裕後酬勞當任逸蒼天不可
問得子旋傷失君懷未能慰我恨亦云積孟春喪孩女仍
唁僕與姪阿申 姪之 併官奴兩兒衆所惜方期及髫鬢入
學相誘掖亭芝芳妍温玉縝栗隨行操几杖或可弄
文筆一以世科第一以嗣滅獲云胡俱夭折相去不百日
孩女不甚痛長不恃其力初疾忍輒棄命醫恒接迹終焉
莫救藥枉負不慈責娟競秀爽眉目猶在覲傷心擲細
褌塵泥污紅碧父哀猶強飯母悼不安席適值吕太史為
我亦傍泣渠子歲三喪鵠雛勞卯翼尤嗟中殤女締繡已

觀下有
省字

能刺吾兒幸存二懷抱若可釋疲劣不好學稍令誦內則
君誠曠達士悲泪莫頻滴禱神名山顛都人以歲月祈置嗣于盧師山
妾居室側佇作湯餅會人醉酒一石

送張孟功揚州觀分題得游絲

東郭暢景韶飛絲蕩晴朝細逐柳綿度狂隨薰風颺燕郊
縈去策楚岫眉征橈嗟予顧不及相送共迢迢

江陽毛定甫天光雲影閣

伊人結小隱鑿沼若一鏡澄波涵至明穹昊入俯映初緣
適幽情乃謂契善性考亭或神遊可讓不可競

江東胡士恭嘉樹軒

野人愛嘉樹題作幽軒名顧豈樗櫟散願懷松柏貞深沉

永夏景蕭颯繁秋聲紛々事遊冶噴々爭春榮

王君冕關中別墅芳潤亭寄題二十韵

雍壤第上々土厚風氣温水泉引甘澤卉木滋以蕃興王
作都會山川鬱屏藩維周秦漢唐陳蹟猶具存一覽以娛
目矧此長子孫勝境遇名士相值復何言王君長安人負
郭有田園藍田在其左終南高且尊平川豁瞻眺崇岡如
吐吞結構事幽隱池臺閎重垣植木春茂々醜渠夏沄々
音晴花炫屋角秋苔黯墻根嵐翠浥圖籍柯葉蔭壺尊觴
咏協時序起居適寒暄生產付子弟供具有鷄豚好客時
過從租吏不叩門談評極宇宙息偃度朝昏緬懷鶴在陰
大笑虱處視茫然珪組念邈矣車馬喧茲亭可適意餘事

柯作荷
及 漚

勿復論君冕為三原縣令嘗被誣未雪

早發安平錄囚襄陽

露華沐脩叢涼思浩可掬陽光炫遙川熱念洵相續駕言
省民瘼行涉岩谷訖紛聽訟疊塵問俗傷哉無知
氓誤向憲網觸伏辜痛呼晷寃者脫拳桎于時嗟稍旱禾
黍未豐緝媿無雨隨車潤澤溥川陸皇靈赫臨照恒負伐
檀惡雖非于公仁敢效俊臣酷

山北憲僉丁文苑挽詩乙卯科哈八石也

使君氣凌雲學劍喜論文生材拔其萃立事張吾軍奕葉

擢高第甘棠蔭孤墳九京不可作頑懦徒紛紜乃子慕高

文苑嘗憲浙西
遂塋西湖之側

送太原房淳德赴上長蘆校官廿四韻

曩歲在甲子我忝登桂籍君從河東來廟壘肆健筆相識
稠人中神勝鬚髮黑河汾孕靈秀脩然澗松栢文章豈優
劣方畧判得失時運或少乖戰藝不幸北乾龍飛九五湛
恩逮點額受薄職固匪輕笑捧告身勅音問久寥邈再遇京
塵陌或薦諸太常借徑簿領役禮文熟討論固豈刀筆術
齟司魏學宮儼在漳水側橫經屬老成弟子拜講席廣文
莫厭冷師道貴名實宦業墮素餐吾黨有媿色育材登廷
珍計功倍千百拏舟載妻子携書去王國別酒借顏紅春
衣照頭白尚憶韓與許當時同少誦士宗掾栢臺才氣森
萃律耀卿蒞塞下幕府著勞績小大無棄捐朝家禮羅密

賢路闢榛蕪異材應間出文運豈偶然因君重太息

蘇伯脩湖廣行省叅政分題賦詩送行得洞庭波

秋風木葉下送目八千里洶湧趨東陵瀟蕩混南紀天垂

俱沉浮霜落迺清泚蛟龍怒未舟楫漫難蒼梧雲氣

連笙竹磯石磊所恨礙君山仍嗟愁帝子予懷渺不極客

思浩然起願令沅湘安流入江水

禮部侍郎秦不華兼善出守會稽分題送行得讀書

堆

昔賢居海陬幽潛有遺址簡編不復存培塿尚堪指三年

不窺園西京稱董子蓬蒿統宅生仲蔚號高士為學貴處

靜業成尚致理用行舍則藏訓誥殆卑猥黃門仕大同朱

墨訂文字雖非注魚蝦乃尔彙處豕夫君系貴族綴緝泚

江溪弱冠登巍科禁省久歷履今此乃作守出處將肖彼

掉策國東行去志疾若矢南州欲訪古不憚紆道里遙知

郡政暇閉閣究經史仕學能兩優豈直野王止來慕子所

亦復可起堆梁黃門侍郎兼太學博士顧野王讀書

題得此非兼善所經由之道殆有所謂邪元約賦五言古

詩十韻今多六韻詞不能已也兼善至治辛酉科狀元幼

從天周本心學野王撰玉篇若干卷

草蟲圖蝗螽斯螳螂蟋蟀圖國子生求跋

群蟲居草間翾動各有趣或為人所憐或為人所惡憐惡

我豈偏彼乃自致然披圖付一哂不足汨吾天
送高麗進士李仁復東分題得箕子廟

皇矣錫疇行已焉鼓琴悲列封出異代主教開東陸道義
三仁稱德澤萬世思遺像儼珪衮巍宮肅籙彛頰臨幘溝
淩奔走高句驪宇宙相終窮貯蠻無已時之子誦經籍賓
興膺爵縻龍光粲冠裳鹿鳴奏詩詩勝此帝恩寔由文
化施歸與下車拜報稱恒念茲

題道者山 朵兒只國王

元氣肇融結律兀蟠厚坤蓬瀛詫虛無五岳名號尊茲山
介平營持与太古存碣石拱其側水巖何足論東北醫巫
閻羅列為弟昆境迴稱瞻眺多景移晨昏烟霏雜樹海
氣時吐吞幽深閟靈恠勝麗難具言謂宜棲隱淪秋鶴仍
春後叢桂賦騷雅蘿薜相婣媛顧此緇衣流結構開祇園

屢屬奈

陳迹紛惚恍紀載探本原屬聞賢侯王遊觀駐朱軒從容
樂觴咏風日搖旌旛我昔延祐末東邁窺其藩望二不得
登予懷未能諉於時秋雨霽仰羨思攀援誰為持此意灑
翰題空門

送朵兒只班監憲淮東分題賦詩得豐樂亭

豐山既足玩豐歲仍可喜太守為築亭日飲滁水幽谷
軒楹泉石列堦祀諱禾稼盛皞風俗媿政平共觴
咏民安事田里摘辭述佳致行樂遺舊址使君出貴裔讀
書精治理帝命徂淮南持節長風紀是州處行部西望才
尺咫今茲罹早暵郡邑多告餒衣食並去聲賴賢明庶免溝
壑死先聲憂回天心相業由此始

告苦

送王德常南臺御史分題賦詩得朱雀橋

秣陵古都會秦淮實壯哉長波護巨鎮危橋橫曲隈華桁

何偉麗赤闌亦縈迴世稱題柱石人是濟川才泛鷁堪屢

往乘驄經幾回當時王謝宅燕子喜重來德常由國子生宰雄之歸信辟

掾南行臺繼為勾管今復拜御史凡三往焉

崇陽趙孝子名璧字君璋

孝乃百行本親有罔極恩親恩可持報百身論事生

或能盡事亡鮮如存趙君性誠篤能窺曾閔籓親瘠拜醫

師既葬廬墓垣身與木石居淚零松柏原動息撫遺體哀

傷痛心冤讀禮已無媿抱恨終弗諼過車式而敬朝命表

宅門大哉永錫類澆風庶能敦

節婦

劉氏劉氏陽曲民家女早嫁西杜王舜鄉生子甫一歲王遠遊越十年不歸劉氏奉舅姑

惟謹無怨言子年十四聞父留灤京往拜焉至則

他娶矣劉若不聞日勉其子以學又十年王始歸

浹日而復去竟死灤水上劉自奮艱厄中以保其

家以成其子有司上其事旌其門子名思義劉年

七十餘

生世若不諧愈甚太常屬藁礎任飄蕩寧馨堪撫育生無

織錦詩死有崩城哭愁雲散晉溪華表照陽曲

送汪臣良編脩出知餘姚州題得石鼓

繫昔中聲興王振武岐陽蒐臣工作歌詩紀蹟庸闡幽琢

石制為鼓深刻將垂休渾堅不少磷文字粲以周古拙出

史籀蟠錯紛蛟虬氈駝護轉徙逮閱三千秋天朝尤寶惜

移寘宮墻陬棲息得所託珍秘價莫躋使瑚璉器出守

趨東甌敦樸且貴重華采殆罕儔旌麾暫補外廊廟行見
收亦若此鼓然置之崑崙丘

胡震亨家慶堂

三釜及具慶庭闈有餘歡易貴不家食祿養心始安東隣
供滫髓西人盛盤飧酒旨餽亦嘉素身興永嘆君子奮逢
掖牙緋效王官作堂娛二親上壽羅芝蘭養志既可尚揚
名良獨難錫類動里閭美譽期不刊

燕石集卷第二

燕石集卷第三

古詩七言

涼夜吟十五歲作

雲頭金玦秋意生城南啼鳥三四聲溽、斜露銅鋪濕闌
下幽花香氣清倡樓茗蘂咽凝管波底老龍求子鳴蕭、
竹樹小山雨驚覺佳人夢中語濕螢寥落階莎寒拂拭桃
笙掩閨戶

朝元宮白牡丹延祐丙辰在汴作

瑤圃廓落崑崙高霓旌豹節凌旋颯東門偷種來塵囂開
雲鏤月百千瓣雪痕冰壘辭鏤瑤重臺複榭玉版白濕露
擁出青霞嬌瓊娥愛春受春足香腴酥膩愁風消人間洛

陽紅紫妖紫霞艷、吹秦簫青鸞望極何當招

岳陽樓

熱雲涵、東風死東方春來著蘭芷畫闌十二君山青此
渚南汀礙眸子蒼茫杳靄一千里鬼誕仙妖似湖水織阿
浴菟出西涯飛上南翁棹歌裡

遺芳蔓

武帝思李夫人卧延涼殿夢夫人遺帝蘅蕪之香覺而衣枕香三月不歇帝因製曲名遺

芳蔓又賦落葉哀蟬曲

龜屏象簾塵凝輝桂枝落盡秋氣悽瓊瑤臺上魂是非孤
鸞照影心含悲離宮別館春茫、延涼殿上空情傷却憑
鍾大一莖草換得蘅蕪三月香蘭風蕙露怨嬌盡落葉哀
蟬鳴嘶嚶、嚶語誰得知再取玉簪搔素絲

大

五月寒

延祐丙辰夏江南久雨甚寒

朱明避事秋萬里葛溥羅塵索裘綺赤帝藏龍天漏水白
鳥蒼蠅凍縮背五月雨聲常在耳有虞皇帝拂瑤徽濕透
縻絲彈不起招搖下望白玉京朝天蒼珮寒無晶馬毛拳
蝟坊門閉閒却金盤不賜冰

洗車雨

每七夕有雨俗謂天帝為織女洗車

一從去歲閑油壁塵暗香輶有誰拭瓊娥玉勝莫遲回為
我飛書呼軫畢雄雷雌電傾河來寶輪濯、無纖埃桂香
陌上不泥溷虛無指點迴蓬萊烏橋銀浦沾濡徹鳳靴鸞
鞭潔如雪猶恐黃姑淨病深更擘濕雲填古轍

北中寒

淨沒

燭龍吹冷玄冥唾鷄子庖從沙 過羲和呵手馭日車噤
瘁陽烏三足墮驪山溫泉徹底冰白地裂文如旱滕窮陰
凍合黃鐘瑄緹室葭灰不得升射麋將軍守瓊屋霜結虬
須懸麗靛琵琶弦折酒成漸風力剝破雙顴肉

榮華樂

大明飛光白玉堂花樓網戶騰春香鳴鐘饌玉雲母床堂
堂夫壻侍中郎青雲捧車謁漢皇公卿夾轂趨道旁董賢
朝朝音眠未央將軍夜穿蹋鞠場柏梁置酒詩成章黃金
駟馬來徜徉起山引泉大宅張蘭湯洒壁鳴笙簧女娥竄
窰聲遠梁迴風飛雪衣飄颺芳年華月溫柔鄉流蘇斗帳
垂珠璫紅麩麝枕辟亮殃紫金釵梁懸鳳皇階前七十二

官
鴛鴦綺檐羅列生輝光平頭奴子蹠擎觴酒酣調笑邯鄲
倡腰橫半解金蛇黃玉池芙蓉簾外霜 符如火 黃
門開將趨召漏長扶來丹地拜天子願沐鴻休亘終始

同年程時叔內翰還浙東

玉堂松柏高蕭森老子時、壯鳥吟久矣京衢厭塵土茲
焉海浦覓園林西清供事有佳興南國獨逐無留心著書
藏稿名山遠讀易操著理窟深春流云、敗冰煖晝日曠
曠高天陰離情竟作一發箭交道終期百鍊金衆賓懷抱
付盃酒二子德色墮衣襟人生會合有天命
商參

張武定戰死西南夷

邛竹筠醬啓邊釁犀甲吳戈成國殤風悲戰鼓慘欲死日
曠戰雲寒不光黷武可憐棄軀命討罪宜用施威強內符
近遣滇海將傳說英聲皆激昂

趙存誠除曲江縣尹將上枉道還長沙為乃父平遠

公焚黃

曲江大夫故家子白髮蕭騷辭帝里官居嶺表不即上路
指湘中有餘喜乃翁勲業聞紫庭手捧芝書新易名祥光
一夕照宰木芳銜千古榮佳城椎牛上冢歡聲重石獸無
情亦飛動莫愁神道少豐碑聞說新除好祖奉

疎參已志墓神道碑未有

九日再會飲如舟亭分韻得異字約賦廿句

周郎家本住武溪入京暫作公府吏閉門哦詩常撫卷倒

履迎賓能好事今年中秋偶晴明好友持杯恰三四時當
九日復讌集瀟洒軒楹臨水次檻華錯粲隣舍移壺醞氤
氲內官賜天高氣清萸菊節攘袂奮髮湖海士風塵悠々
渺芳躅觴咏蘭亭或堪似人生行樂適意尔局促轉駒老
將至酣歌慷慨時自新放達何須較愚智媿無硬語出磊
砢追逐盧仝並馬異

永豐魯明善秀才挽詩

三十未有二十強清門士子堪悲傷讀書矻々窮晝夜弄
筆徃々多篇章世人謾歌蒿里曲地下應作脩文郎君不
見江城南有客不識字華纓紫綬鬚如霜

宇文子誠出掾河南行省二十韻

至順元年十月初故人舍我將南徙君喜迎親去志速我
慘送君離思起西山雪小陽鳥逝北口風高喬木死吉貝
衣消京國塵木蘭舟沂漳河水夷門舊交兄弟若吳房老
父咫尺爾人生百年貴適意戚促何須羨金紫憶前年
在灤陽千里兵塵四郊壘妻子哀號不得見乘駝歸來溷
悲喜彤庭捧牘負長材烏府珥筆存舊履磊落不作風塵
態宇宙茫茫少知己與君同朝三四年清苦何嘗設醪醴
歲時相見徒勞問我爾俱貧情曷已江陵古城多北客我
昔與君共閭里君年三十八公府我髮漆黑政童子邇來
蹤跡各星散南北東西困泥滓王城會面忽驚電君踰知
命我強仕微軀潦倒屬名韉半世蕭條鮮生理重內輕外

辛

故

古所云媿我謀身敢如此鳩巢未葺政坐拙菟裘將營何
所指因君之行重太息搔首蒼茫對斜晷

送周子嘉由長秋寺令史出為滁之來安簿暫廻武

陵覲省二十五韻

周郎十五二十時皎如玉樹階庭芝出門掉臂不揖客操
觚作賦猶從師龍駒未騰掣電足松羔早挺凌霜姿自憐
渠儂似明鏡自我儻父為鈍椎論文倏經十寒暑聚首遂
作雙墳篋君留我別迹相遠離羣索居情不怡流萍適楚
復南邁行李趨燕同北馳桑弧蓬矢負夙志爺孃妻子成
遠離黃鶴樓前暑云徂文明門內秋為期風塵南陌困英
銳痴僮羸馬淹孤羈太學諸生曳青衿長秋小史稱白眉

延春閣下晝脩牘崇恩寺中朝侍祠往來灤京堂適庭召
集閣 鐵就磁出租春醉葡桃館勞還秋宴白蓮池詞林
舊交賞清俊公府餘暇陪遨嬉河濱亭子九日酒座中華
筆十韻詩吏後免譴獲書滿選曹擬官惟據資米珠薪桂
脫艱阻青袍文笏將設施快如海鵬始奮翼逸如天馬初
釋羈親庭何勞賦陟岵子舍那復譌廢屨祇知定省當汲
汲奚較赴上猶遲々華裾綵繚別良友大艣舸載小姬
策名仕版副君願賦詩河梁勞我思長安落葉路不見洞
庭寒波風亂吹若到來安將舉職莫忘武陵初解維

歐陽原功由藝文少監謁告歸瀏陽

七年不見荼蘼花湘南學士思還家賣馬徑出藝文監買

船便赴潞河沙始隨徵書官璧水北門風月清談尔兵塵
荏苒居庸閑襍被蕭條教忠里奎章閣上進成書九重知
是尹蕪湖腰帶黃金珮蒼玉々卮賜酒榻前趨君恩如海
誰能報回首鄉關動懷抱尚平昏嫁幾時畢陶令田園何
日到槐舒菟目柳如綿浩然歸興南風前閨人含笑僕夫
喜那顧悲歡各異緣西山過雨離筵曉川途萬里雲繚繞
里閑逢迎樽俎歡都城會合簪纓少

徐延壽母張節孝 時徐將赴順德任縣尹

良人旅櫬藏故鄉襁中孤兒佩銅章善事尊章不歸寧叶
藁碁泉下無遺恨棹楔門前生耿光

廬江縣尹俞器之妻羅恭人節行 羅漢臣學士之女

廬江生前事歲組廬江身後主門戶疾時和藥死廬墓到
肌斷髮事可舉廬江無子誰與處鸞誥騰光照鄉土共怜
令尹得貞妻不道翰林生淑女

金陳州同知孫德政妻高氏貞節一子名潤孫五人高氏卒年八十八

三十良人如冠玉領兵當關於死不復燕趙年饑盜賊窟

攜兒避難聚衰族鏡鸞塵昏忘膏沐含飴弄孫備五福魏

魏雙桓表門屋祀妻謾作崩城哭德政卒于至大年潤始七歲高氏旌門于延

祐年

潘陽胡茂鄉善餘堂茂鄉嘗作此堂奉其父叔嘉今年七十子五人

老人種善如種田三世力耕無歉年賢為鎡基義為耒芝
蘭玉樹嘉禾然蓄畜有術誰能傳沃不以糞激匪泉井底

白金五千兩甕中青錢三百嘗有人避難以白金五千兩寄茂鄉後全付之其人

分半以謝茂鄉不受又或人負他人債貧不能償者甚急將棄其母溺水茂鄉見之與俱還出其家甕中贏餘之錢得三百緡遂以二百償逋一百奉其母其人問姓名茂鄉不肯告

慶元葉謙甫挽詩

維南一士美如玉懷才制行遜空谷子孫誥、宜厚福青
衿十年易章服翔鳳原頭可瞑目

蘇伯脩右司滋溪書堂

滋溪、水清如玉堂中藏書高似屋綉縹裝潢芸葉馥遠
過李侯三萬軸上世遺安重教督有美令孫克佩服移書
度几置書腹用之經濟且啓沃尊經續史雅志篤屈宋衙
官駮則僕堂前山水秀且綠堂中之書茲不辱愧我四十

鬢欲禿文學事功俱鹿、悲歡枯落悔不足欲登君堂借
書讀

行路歎書利陽驛壁

冬雨撲面朝不寒驅馬馳逐荆門山麥隴高平稻塍直竹
樹鷄豚山兩間少年筆硯為 耕得虛名終半紙道逢
良田勝境如麴車老我流涎何日止

李時進僉憲持其考君墓表求詩受封襄垣縣男

襄垣老人志不群教子爰：興高門燕山諫議有陰德陳
氏省華多子孫少年孤貧嗟素身策名仕版期後昆報施
之道昭而神著布衣象龜灼文老人種善如種樹老人視
財如視土紫衣綠衣事尊姐恩封鄉縣爵第五七表告終

既壽考叶螭首龜趺賁泉戶君不見草間無聞亂冢何足
數却是當時守錢虜

趙侯髮白返黑

後衛千戶致仕年八十八吏前衛時
五千戶殺西相至今能談其事

日中則必昃百川東之不西流將軍鬚髮白返黑身強能
使元氣周禁軍前衛皆從事少壯驅馳老來貴幕中文字
羽檄飛腰間符節龍章佩功成名遂樂天年矍鑠何須羨
馬援述舊能談鐵鎚將奕碁常對爛柯仙只今行年垂九
十鬢變青絲髮點漆高堂明鏡莫空悲學取將軍養生術

中興萬戶愛假山築亭號粹峯亭

元戎生長太平世雨甲苔鏟日無事築亭排石示燕閒此
似南塘更清致烟霏掩靄群峯巒莎陰蘚壘相迴環天台

廬阜入胸次華陽良岳非塵寰米狂呼兄名不朽千古高
情能尚友我知主人愛山符節然傳付子孫俱世守

柴舜元玄雲石

重陰蔽天濃似墨疾風碎剪不盈尺纍纍亂拋擲肖
像凝神作竒石松窓竹塢玉立之仙霧為幄烟為衣米狂
拜罷捉不住清潤一卷愁欲飛長安才子惜如寶袖中攜
置夷門道當時不見萬態峰只今空三山島

吉安劉楚竒秘書浮雲道院

桑弧蓬矢男子志溟鯤鼓鬣鵬張翅揭天勲業固垂名擇
地園林須適意夫君家住白鷺洲先世田廬不外求宗親
同居三百歲卉木素封千戶侯桃花源裡山川麗輞口莊

前亭館邃兒孫祇解弦誦聲泉石更無塵土氣邇來矯首
蓬萊山凌風珂珮聲珊珊蕭然三徑自若夢寐衡門時
往還賢豪心事人不識進退卷舒那可必君不見太平宰
相三十餘千駟萬鍾成棄擲

燕石集卷第四

雜言

太白酒樓

延祐己未初自江南還京師途經濟州所

我昔在髫年知有謫仙人少壯讀所作天才氣凌雲潯陽
紫極宮往歲聞佳句采石青山頭前月拜荒墓夜宿簷下
雲秋弄江上月何如任城樓狂飲興豪蕩况有任城宰具
酒復知音酒酣隘八極世事徒駸：內子香閨夢伯禽嬌
且啼人間火宅謾煎逼政是玉山傾倒時散披紫綺裘倒
著白接羅銀臺金馬直一唾方瀛絳闕行將去仙之酒杯
失遺基樓觀雄垣表暗題咏石榴海柏森西東謫仙人今
何在汶水島山黯蒼靄手揮玉鞭騎玉鯨應在浮雲九州

外仙人鬼鬼茫氛氳望之不見矧可親明朝我亦玉京去
願謁蓬仙賀季真

三五七言樂亭縣作

寒空高寒鴈號霜氣嚴征柝風威薄錦袍一夜相思心似
海荒城四望愈切

塵泥嘆

至元元年乙亥七月久雨後

經涂九軌壯王國歧蹊委巷錯綜若緯織殭車石馬匹億
旦：躡輾化作深土深數尺污人衣冠垢人髮膚飄簸蕩
穿入牖漬几席令人生憎心內熱氣鬱悒豐隆裂缺怒赫
赫天雨下土痛濯滌漲空埃壒淨無蹟洒然頓覺醒胸臆
誰謂滿天霖霪數十日塵固無復作崇泥淖乃爾亦可疾

輿陷三十輻驕馬至不能援其膝壯夫徒行循墻僅彳亍
弱婦孱子悉魚貫困躓七月中氣處暑畢陰雲未徹霽未
必小夫賤隸又恐風高日出塵復作輾轉皇惑計無所出
我為呼天勅鬼工運甃或伐石甃疊平安妥泥少塵亦息

送翰林編脩成誼叔驛召魯子翬學士于鄧遂便覲

省成由國子生鄉舉于大都至順四年登科今始

得歸鄉里

省覲

盛時寰區奠金甌四方才子紛來遊郭隗臺荒登不得李
膺門下久難留南陽年少詣闕下氣如鷓鴣文如彪長松
聳壑被斷削大玉作噐辭琬琰既不能上書謁宰相又不
能投刺干王侯獨抱獲麟經信如渭濱鈎鼓篋橋門不盈

歲奪標桂苑僅經秋挽彊一中揚遠葉不識楚人三別愁
落、拾地芥肯貽鄉邦羞錚、破天荒迺在帝王州泥金
帖子附家信上報里中父老驚倒同門儔玉堂載筆事方
始北堂戲彩心難酬書藏石室報天子遂我拜母三年謀
薊門一昔歸心起夢裡阿嬭驚且喜驛樓佳樹拂戎韜詞
綰新篇盈蠶紙家鄉風景有如此關吏歡迎棄繻子疾趨
慈 笑稱觴次謁鄉賢忙倒履浮雲暫蔽奎躔爾須信斯
文難墜地招邀郊藪鳳麟來菊花潭上從君始西南歸路
平如砥太行山色青如洗我幸君歸且怨別心逐太行山
色送君直過黃河水

奎章閣學士院照磨林彥廣代祀嶽鎮海瀆以詩送

之

天子代天理萬物輔相治明神治幽贊佐化育兩交盡始
得物無疵厲年有秋神有貍沉牲幣封爵位號祈報古典
禮人則公侯卿相秩祿寵數尊且優廟堂燮理未始有乖
戾無乃神失職遂使燕趙早曠吳越餓莩盈田疇九重宵
旰念民命慎簡清直乘軒輜分詣諸神祠焚 塵坐馳突
不少留恒嶽奠畿輔濟瀆河內為上流矯首東南行徑指
會稽秦望遊衣冠粲庭陴珂珮鏘琳瓊椒漿桂酒感肝鬢
竹籩木豆羅脯鱸焚香早致辭盥手屢叩頭潤澤善利責
望水興雲作雨哮喻燥濕申命林麓原隰諸林丘我知山
靈川后今歲效職致豐稔不負天子聖慮貽我使者羞

古樂府

追和何謝銅雀臺妓

寒露泣丘草悲風漳水聲黃腸定何許歌吹徒營：總帳
守明月佳人情不勝眠中不得近痴絕望西陵

秋絃怨

下亦沙春

海風吹涼薄璇宇桂壓鈎欄秋作主銀灣凝月澹游溶雲
彩粼：騫鳳羽玉帳懸沙塞夢寒沙淚啼秋山迸泉哀蚤
不解論心素金字空侯挑夜弦大漠沙如雲去京三萬里
弦聲隔秦城無路入君耳七星西橫露漫金——刀剪衣丁
夜眠他日賜金高似屋漂姚應是 婢媛

漢宮怨

趙飛燕漢春如一日色映豹尾竿膏香髮鬢漆掃粉浴蘭
雲帳底三十六宮寒似水天教痴妬擅浮榮綠篋絨傳還
啄矢唯餘擁背人煖夢黃金殿西風長信深塵埋舊紈扇

兩頭纖：

兩頭纖：豪豕鬃半白半黑月蝕空腦：膊：叩頭蟲磊

磊落：真英雄

兩頭纖：針背魚半白半黑蠶紙書腦：膊：雨跳珠磊

磊落：戴石砮

五雜組

五雜組：蝶煉掣往復還寒暑節不獲已新昏別
五雜組：眼纈眩往復還烏衣燕不獲已沙戰：

五雜組禕翟衣往復還大明輝不獲已妻兒飢

戰城南天曆元年秋

戰城南戰城北前軍失利勢日迫敵兵過谷曠騎據水相
搯乘間格鬪日薄西陲大車傳饗且噍且戰彼竈不得晨
炊伯兄刺弱小弟父子對射泣涕洒馬踐渠答行仆躓劍
鋒刺落左辮腦骨披厚陳雲霧歛烏鳥四面集高天厚地
哀我身死名不立奏凱第功賞持書論首級皇帝陛下聖
壽千萬歲掩骼埋胔告郡邑

擬古辭寡婦嘆

弱質生良家幼歲聽傅姆訓戒言聞有三從夙夜居常惕
然及年適夫子自意偕老死歸黃泉上戴蒼天之天下有

我履之厚地竟不疇我願為婦未十載夫子忽舍我去魂
魄不復還尊章哭其兒且哀我少寡居涕泗恒漣我哀
曷已恐重傷堂上心茹恨忍死強自寬撫育三四孤紡績
治生供衣服粥餐教養幸成人奉夫子祀事以樹立家門
上奉尊嫜甘旨不敢少怠猶夫子生前華飾不復施衿鞶
纓佩置之埃塵有耳不敢聞梱外事律已逾於未嫁先自
分為待命未亡人禮法自防豈敢愆猶復小郎口語詭
姻族擗掖相熬煎哀欲誰訴祇苦心內割裂欲死無緣
賴是縣官旌宅里中稱孝且賢少白我心瞑目無所怨
評曰已矣乎薄軀奚術求全願言禱大司命生世莫作婦
人即復作婦人願死在藁碓前

流黃引

桂庭月午啼蜚間鸞宮露下水紈單酥燈毳帳鴈門塞妾
心料此中閨寒流黃縮澀微含潤錦石鋪雲瑩相襯細腰
杵急夜如年搗碎商飆不知困春織易製添光澤鳳花入
眼波紋溢東天皜呼侍兒快取衣箱金粟尺

竹枝歌三首

洞庭舟中賦時至治二年二月

正月二月不曾晴蘼蕪洲邊春水生黃陵女兒年紀小學
唱竹枝三四聲

菜花一尺籬門開粟留聲斷斑鳩來舍南青苗没人插郎

在黔中何日迴

東山日赤雲氣昏河姑勸我莫出門持筐採得桑葉滿直

到阻雨溪南村

又二首

自遵化縣還京途中作至治三年春

五里河邊脩禊時犢車載得細君歸河邊柳色迎草色山
雲結雨行人稀

野春平碧生煖烟虹虹去聲橋南畔沙漫天潞陽河上見酒旆

直下復有釣魚船

虹橋在通州河東三十里

又三首送余德輝還池州

春城客子酒著顏迢迢秋浦是鄉關江雲海月棹歌去南

尋李白何日還

沙渚青々芳草茁梅根潮落蒲芽發江頭少婦金卜錢行
人歸來有華髮

江東酒船可拍浮江東女兒嬌且羞况復春江花月夜吳
儂還向箇中留

又四首送安慶教授朱仁卿

城南城北雪不消城門道東無柳條我儂相別無可贈學
取楚語作詩謠

淮河岸邊春草生淮河舟中客子行春江花月權歌發吳
儂伴我過清明

南是長江北是淮中間獨坐吟高齋有書不報朝貴客有
夢不憶長安街

往年泛舟揚使旌七月八月江水清秋江亭上好風月莫
怪我儂忘寄聲

秦定二年秋予使過郡幕府李廷玉留宴
于秋江亭明日始發李今仍為郡寓公

又六首自温州抵處州途中作

江南十月如春暉不知北土霜霰霏攬嶼亭前橙薦酒瑤

嶺上汗沾衣

容城洞口朝雨霏江心寺下早潮迴永嘉山水自好在永
嘉過客不重來

此去京城五千里川途脩阻萬山峩好山好水且消遣欲
說離愁將奈何

思遠樓前罷登眺華蓋峰下好吟哦東甌舟子趁潮去棹
謳不似竹枝歌

山頭小雨雲如衣山下白烟是炊永嘉上流無驛路永

嘉舟中宜賦詩

石如鸞卯水如玉安溪戈 清有餘我儂舟中多樂事坐

楊柳詞

齊化門東馳道上鸞黃閃色弄新陽憑誰移向龍池畔搖
曳宮花撲面香

又六首 通州道中作至元四年春

第一鸞黃映曉烟梢長嫋娜弄暄妍待得濃陰滿夏日不
如春月取人憐

夾道青：到鳳城一般飛絮兩般情離筵見處泣相送歸
鞍撲著喜相迎

玉泉山下綠絲垂曾見先皇駐蹕時翠輦金輿何處去烟

條露葉不勝悲

金鞍曉拂枝頭露珠帽晴沾苑內塵古來每見人悲樹如

今却見樹悲人

齊化門東醉別時玉人折贈最高枝船開酒醒潞河遠回
頭烟樹漫參差

北客還鄉二十年来時楊柳故堪憐而今張緒生華髮手
弄柔條一惘然

轆轤曲

漢月轉桐枝羅衣怯嫩颺銀瓶輕墜放驚散乳鴉兒

綠水曲

妾家若耶溪門扉綠水西桂月破烟暝波明楓影低潮痕

暗沙蒲浦 空雲飛蘋洲風未起待妾採蓮歸

垂楊曲 唐體和張仲容

杏花雨小西曛出紅鴛微步芳溪曲垂楊樹暗粉墻高却
上晴樓窺宋玉檀奴不到心茫：春波一眼無鴛鴦菜花
蝶子不解事雙飛直到簾旌傍含嬌倚困愁如許捧硯輕
綃識眉宇柔情書滿紫霞牋教與雕簷綠鸚鵡

春城曲 和馬伯庸

孟陽冉：青年度樂酒踏歌寧計數魏花如斗雲光紅揚
鑣迤邐城南路門前佩馬春泥聲香闌鎖暗銀杯傾可是
卓姬能竊去梁園司馬擅才名

楊花曲

宮鴛百轉花房委燕子日長三月尾玳瑁鈎簾後閤空殘
絲拂度銀塘水白袷春衫俠少年旌旗別恨相縈牽盧家
小娘不閉戶低回交舞妝臺前軟風吹香嬌脉：西園塢
徑東園陌雲蹤雨迹杳難憑青年誤殺金釵客

殘春曲

三月初盡四月始天氣無常每如此雲垂漸占雨脚近日
麗倏驚風勢起宮槐蓊鬱花如洗南園惜：淨如水公子
王孫醉不歸酒醒一昔芳心死繁華去矣餘塵埃愁來不
飲空持杯謔遙蝶糝頻稀少賓館柳絮猶徘徊少年但知
恣歡賞不道天時有來往青軒無計駐芳菲赤帝多情催
長養

河淮曲送桃源縣令簡西碧

河水濁淮水清中央置縣樹孤城縣中置令司群氓官尊
無差遺俗善少鬪爭令果仁賢嚴且明能令民衣食餘饒
鷄犬不驚恩澤旁浹垂令名圭田租入足代畊鮮醲飫妻
孥饋遺及友生何必黃塵赤日飄纓紆組趨神京始得
稱豪英嗚呼簡君官甚美我歌送行不骫骳願君莫學河
水學淮水

杏蠟辭和馬伯庸泰定元年作時初忝第科

霞綃簇春笑紅雨曲江芳情惱遊子郎君焰光高二丈燒
殺杏花三十里觴酣小駐龐姨家鶯歌溜玉鏗紅牙華裾
飄麝鬢毫綠上馬行陪擇堦車

乞巧辭二章

京師里俗以七月七日昏時設祠乞巧于天星織女蓋閨人處子惑于荒謬惟誕之說不事箴組覲倬渺茫虛無之效卒無所得予閱其愚遂設為婦禱神答之意綴成此章假辭託興以譬夫世之學者昧下學上達之理忽畧遺棄于日用尋常之事而謂聖人之道高遠玄妙非力行之所可企及當求之于恍惚有無之域是以終于無聞漫不知省因以為戒且自警云尔

若有人兮炫服嫋容稟慧淑兮思擅女紅邈天媛兮揚靈
資禱祠兮或通明月兮為宮瓊筵兮名供饌饉兮桂醕蕙
炷兮蘭缸紛娣姪兮翩翩儼竦息兮敬恭晞明兮嘉惠
感款懇兮弱衷抒絕藝兮告予啓下妾兮昏蒙絜盼蠻兮

極勞心兮忡忡

若有人兮天渚廓憑虛兮容與長褱結兮雲衣鏘琳琅兮
珩瑀擢翠旂兮前導召星妃兮為侶肅冷風兮高馳指葯

房兮來下哀要眇兮闇昧况冥々兮晤語曰婦職兮寔人
為懋劬勞兮事纂組諒紉針兮製作將剖毫兮析縷祇乞
靈兮詭秘羗遺誚兮鹵莽女招悵兮太息渺神君兮遐舉

彭宗建思親堂辭

羗吾有身兮思孰厚於親兮愛日竭力志猶未信兮生事
不及思之極天兮思兮思兮豈徒勞吾神兮不愧不辱貽
令名於不泯兮孝子錫類推吾仁兮評語德色尚人其人
兮

延平葉將軍歌

葉名衡字仲興

鷓鴣膏兮兩刃明筍箛橐箭雙帶輕將軍意氣紫電騰竹
函龍節閩中行叢巢篋柵妖氛死歐狗餘氛淨如洗綵幅

纏踣事畊耒牲酒晝歡門夜啓有時整隊搜林樾鷄狗不
驚笳鼓歇懸刀解箭燒紅帙倚帳酣吟刺桐月歐狗至元
間福建劇

盜黨與甚衆故平章
徐國公徹里討平之

天台道人詩贈項子虛

天台道人住幽燕相知垂及二十年黃冠羽衣固不與衆
異心脾一片常若冰雪之洒然瞳子點漆黑兩頰朝霞鮮
不知世有熊經鳥伸吐納練攝之秘術方寸坦々泓渟淵
閭閻府署得失已不掛齒頰煉丹蛻骨又不形語言不曲
意諧俗而俗自喜不超然逃名而名自賢不為壺公左慈
之幻眩不為祀竈却老之誕謾病者相謁徑走馬往救不
屑々責報歸來燕坐高槐軒藝精時猶閉戶究難素客至

大叫拍案治具傾玉船共談南土風物輒歡笑京衢風沙
暑雨亦復不厭能留連我為道人寫真已太逼何用縑素
施丹鉛他年史筆不傳方士傳方技歷々為我徵長篇

知足齋歌

東海蔡平甫未七十致仕以知足名齋其子升卿与予為同舍生江陵郡庠

人生堪與渺海粟心為形役太愁顛歲衣十匹適燠寒日
飯兩盂充餒腹口體之奉蓋養生蠅營狗苟復功名軒裳
茵鼎遂雅志白頭皺面無歡情四十不作尚書郎倏忽頭
顛已如此淵明那嘆松徑荒李膺豈謂尊鱸美蔡侯靜者
吾故人老聃名言書諸紳向持白簡肅江漢今祇牙緋耀
里鄰幅巾藜杖書連屋孫子田園多厚福久知薄酒勝茶
湯尤惡得隴復望蜀五陵紈袴爭紛華掠剝鬼瞰高明家

旂常竹帛渺何許雲陽市上令人嗟左手持有右持酒々
酣起舞歌擊缶采衣照映醜顏紅不識門前斷腸柳粉榆
鄉社安樂窩靈臺瑩澈恬無波烟水雲山動高興玉堂金
馬奈予何

燕石集卷第五

律詩 五言

秋日寄牛農師

別酒記春深秋來少信音出門誰共語策杖祇幽尋晴葉
因風墮寒螿著露吟荆門霜落早離思亦難禁

同十七弟訓南城訪友不遇且聞有將陵之行

芳徑暴橋西徘徊白板扉家人出簾語小季掉鞭歸榆莢
晴將老楊花晚漸稀仍聞欲南棹情思愈依

送張光道歸洛中

惆悵都門道還家又布衣著書毛穎秃歸隱蕨芽肥南陌
經春雨西

聽誰復理金徽

將有金
陵之行
李

馬伯庸淮南別業號石田山房指韻求詩仍依次用
 窈曲愚公谷縈旋戴氏池人從西掖召文任小山移畦稻
 收新粒巖花艷故枝地因人愈勝心共景相宜戶晝孫常
 閉園春董不窺紛華忘世變素付天知暗篠藏仙客喬
 林嗽竊脂淮流紆大帶楚岫作脩眉輞水堪摩詰樊川稱
 牧之山房空蕙帳猿鳥望歸期

太學生劉君定挽詩二首

君定西域人延祐七年中大都鄉試是歲冬客死京師其父母時在浙西蔡思庸字有道陳可久字宗得皆胄子之翹楚者是歲并亡故及之

歲莫當風雪喬松偃澗阿丰儀思蘊藉文采失中和前日
 陽春曲今朝薤露歌天高鬼神惡此世定如何
 蔡子乘虬去陳生跨鶴征人方憐二妙天遂奪三英稚弟

攀輻哭群公執紼行庭闈四千里悲動浙江城

漢陽拱北樓

世祖開寰宇遐邦寢甲兵賢王違曠僻中國慕升平鳳詔
 疏恩錫命榮白茅分赤土文組耀華纓北極群星
 拱東溟眾水五朝嘉篤懿百代述忠貞戎幕招僚佐書
 幃下友生堯仁天廣大漢道日昭明德重心逾小功深寵
 不輕朱軒臨巨鎮畫戟照高閣執玉雲霄近吟詩江漢清
 蒼穹秋摩鵠碧海夜翻鯨竹帛垂丕績衣冠播盛名長歌
 有餘興誰識曳裾情

盧疎齋趙平遠小像

盛德不孤立鉅邦尊二賢盧翁官察訪趙使職旬宣契分

元偕白襟期甫暨度栢森松競秀珪瑩璧相聯高誼雲霄
外清標几杖邊句枝時絡繹盃筭日纏綿宵候丹砂竈秋
鳴綠綺弦嶽躋同謝妓湘泛共膺船釀酒矜方妙裁衣闢
品全教嬉驅驟裏笑詠撫婣娟密邇通家好留連對榻眠
閉關常習靜揮塵或談玄間潔山中相脩搖地上仙儀刑
人倏逝丰度世爭憐肖貌開光霽垂名著簡編精神棲落
月思致薄凌烟豈直江潭重應齊宇宙傳長沙多勝境並
祀待他年

挽嶺北省郎中蘇子寧真定人

河朔多奇士樂城有令孫策名遊宦海衍慶出儒門兩府
推曹掾群公聽討論天池鵬遠擊雲路鶴高騫騰達初云

邁驅馳豈憚煩河汾一白簡江浙兩華軒吏牘機權密官
聯體統尊流云註誤得平反材器梗楠聳曾襟雲

夢吞北藩曾入幕南

攀轅夙望存臺閣聲能著塞垣

芸編嚴子訓芝檢答親恩顯達逢昭代荒涼惜故園脩程
車騁轍厚福水流源政撫青霄立俄瞻素旆翻佳城儼新
市搔首賦招魂

送楊惟霄

字與似

浩、岷江水循、蜀郡人山川賦清淑弦誦襲真淳毓秀
年華學業新金鐘懸彩簾玉樹照青春翰墨資耆
舊才猷怨隱淪前時辭下國指日問通津懷土心雖切觀
光氣遂振鯨魚騰碧海鷲鳥擊蒼旻識鑒茲無媿因依得

可親吾儕陪客次汝伯實儒珍促席襟期密知音語笑頻
悲歌忘宇宙忼慨惜風塵愛爾情俱似而今意愈真閒門
車馬集與室簡編陳會合時難久漸摩德有鄰三年曾刻
楮一旦忽思尊自分燕椎鈍深慚越女曠贈言申繾綣別
酒話酸辛時世文明日詩書少壯身重來偕計吏何用苦
傷神

同年小集探策賦詩得天字

仁廟尊儒術嘉猷匹古先丕承繇列聖大比涉三年揀拔
歸陶冶招徠際幅員文星明似月公道直如弦世運逢熙
洽吾儕屬引延兩班延虎拜多士出臚傳恩重冠裳賜銜
清館閣聯綠章趨畫闕華服曳春筵載酒芳垆外聞歌小

復一作後

海邊歡娛能幾日去住不同天文省擢辭麗容臺執禮虔
四門崇教育庶府雜周旋桂玉悲妻子塵埃厭市廛緬思
州縣職恒畏簡書愆苦樂寧非分升沉各有緣雲隨風力
斷萍逐浪花牽幾聽宮鶯轉頻驚海月圓重來情翕々復
會語綿々問夢觀青鬢遨嬉駐彩韉但思傾玉笋那復計
金錢發興分竒韻抒懷托短篇勤勞有玉事諸賢

和真人所居雲州金閣山有異香

真人持玉節高居坐廣霞風度三山杳香聞數里賒氤氳
翠羽蓋旖旎斑麟車無緣訪玄跡應赴蔡經家
送姚子中參政江浙行省時浙省平章曹某罷免

文學蜚騰早中朝踐履多嘉謀思妥帖直道忍媿媿物議
和 鈞陶 嶽峩鳳池春入幕象魏曉鳴珂醞藉登
酒輝光厲阿久勞禪國政暫出省民疴眷注恩何厚操
持行不頗牙旌 紫禁鷁舫下黃河竹樹供圖畫江湖入
詠譔金山訪蘭若赤岸繫牂牁館傳雖豐飾登臨得幾何
自公方變魯視事肯隨鄴保障逾閩海征財及茗醯民居
散鴻鴈水患助蛟鼉恤匱施仁澤搜賢置禮羅贈言徒感
激報政敢蹉跎去國時寧久辭鄉語漸訛殊方善調御趣
召鬢雙皤

從駕觀承天護聖寺

至順二年五月

陪駕西郊外遐觀倦未還荷深七里泊雲近五華山境勝

嗟來暮官微媿不閒憑

歌夏諺直擬重躋板

送蘇伯脩內翰南臺御史

若人抱竒璞柱史稱高情含霜趨建業踏雪過蕪城奮彼
澄清志違此交友盟相思祝餐飯貞哉保令名

送方公亮揚州教授

莫作蕪城賦長歌藻泮詩盤飧陳首蓓虛座擁臯比彭蠡
家何近漳江權不遲春城且冰雪能忘別離時

靳士昌宅前大樹

百丈門前樹多曾閱市人斜梢侵寺塔直榦瞰城闔喜映
龍樓日愁栖馬市塵何時濯枝雨老翠尚能新

送江東貢有源分韻得庭字

以著書除學官

聞說宣城郡名家聚德星因君詣京闕如我到門屏畝畝
知聞道詩書出過庭歸航有毛檝不負世明經

寄題水木清華亭

僻地開三徑荒山住一翁棲遲瞰澄澈結構倚葱蘢畫檻
穿黃 塍散白 縱雲湫龍恍惚月砌鶴毳磽 孤村
日號秋萬壑風溪流明見底岩樹潤通中曳杖行霜果褰
衣檢露叢稻花香入戶杉葉勢侵櫬獲罷平川迴樵歸狹
路窮嵐迷峰上下泉合澗西東陂養魚千石秧移地百弓
收成防雀鼠種植聚奴童薯蕷登秋課禾麻驗歲功要賓
如鄭驛遺子似龐公物外心何遠朝中信不通坐從書帙
亂飲拚酒尊空景物樊川似生涯輞口同嬉遊未可到賦

詠或難工

遊崑山慧聚寺和唐人詩二首

碧雲天一方休公具禪牀天女散花近懶殘煨芋香殿燈
耿寒炮波月澄冷光願言謝朝紱托身栖道場右孟東野韻
天外山光近峯顛海氣吞潮憑風作陣雲藉石為根鳥重
烟藏樹帆多水遶村凭高暫詩酒回首望脩門

遊虎丘回宴舟中

名郡值佳境良朋諧勝遊閭門暫弭節虎丘同泛舟岸莎
欲佐舞波魚能聽謳對酒寫高興不樂復何求

送張謙受歸天台

客路五千里三年謁帝居新豐空對酒光範不投書高興

尊鱸外清標翰墨餘臨歧贈詩句惆悵欲何如

崇天門即事

鷓鴣班底逶迤晚思遲偶因迎冊處却憶唱名時御水流故道宮花換舊枝自慚無補報四十鬢先衰

兵部侍郎王崇道出守東平

使君朝著久暫出守名城祇羨黃堂貴能忘粉署榮編民瞻履候吏引麾旌早寄高齋咏令人識政成

城南道院即事

六月二十八日

三徑草纖纖苔痕過雨粘風光殊不惡涼意復相兼芍藥斜侵城蒲桃亂入簷可憐成小憇不得遂幽潛

雄州道中即事

南過新城道田疇迥不同長溝如浙右下壤似淮東塘灤

依棧橋梁處通道旁遺瓦說此可治農功

賈恭人哀挽

賈郭氏其夫由征交趾為百夫長戍杭子某代為之迎養恭人于南既歿歸葬

中年

彼美涵濡厚于歸樹立艱持家夫效勇襲職子承顏海錯供甘旨河壩返珮環因嗟陳孝婦不見藁砧還

送簡秋碧河源縣尹

文墨終堪奮牙緋亦自豪身留闕下久官入嶺南高兒子隨行李鄉隣且濁醪長材能製錦何憚折腰勞

南城天慶寺僧雅致亭

一昔到上方塵慮能相忘鼎水他山茗爐烟異國香雜芳

供春艷佳木通夕涼不有草堂咏那聞贊公房

宛平縣尹李克中號約齋

赤縣微呼際溜塵浩瀚間事隨紅日出心共白雲閒萬頃
魚龍海重霄虎豹關人、瞻北極處、看青山

次韻謝敬德司業冬至夜見念詩二首

曆肇羲和紀雲從太史書寒威儘凜冽陽啓漸舒徐消息
存元氣行藏問太虛茫茫千歲測坐致欲何如
陶令惟耽飲虞卿漫著書雄文莫弔屈高士不徵徐酒肉
朱門臭塵埃白屋虛古交崇節義時慕蘭相如

元夕西門外訪友

信馬出林堦因君得暫停春燈九子殿夕照百官廳斷水

冰猶白荒陂草未青遙觀陪扈處懷昔意冥

送明理赴南豐州判官

吳越流亡歲湖湘餽餉時目前堪撫字江右少瘡痍上佐
官何美南行樂不支盛年思報國莫動別離悲

先兄正獻公墳所寒食五首

車馬自駢闐風寒復禁烟野筵唯糗糒村女亦秋千遠岫
清明雨高墳白竹錢乞墦君莫笑攫肉有輕鷲
纒動山林興還增畎畝憂夕陰仍不雨春冷欲如秋撫舊
誰傷悼乘時盡醉遊農家多苦旱啼殺舍南鳩
樹冷杏煙花池乾草勒芽愁吟春自淺樂飲日還斜遠翼
摩霄鶴喧傳得食鴉城中火宅苦吾欲覓仙家

兀坐尋詩句豪吟引酒盃悲歌常激烈暗咏亦徘徊詩向
眼前得興從天外來成章多坦率猶待故人裁
三宿春郊留連不肯回尋詩乘款段步履踏莓苔勝境
僧多占深村客少來明朝入城市那復好開懷

送王君冕歸長安

去國三千里登科二十年盍簪方晤語分袂忽言還書秩
休晨檢詩筒息夜傳更無吟福側惟有恨纏綿

遵化縣感懷書事二首巡歷京畿東道

驅馬出京華疲民盡怨嗟孤臣難報國老客不思家
雪觀雲氣占風看月牙翻思未遇日嘯傲寄烟霞
有疾不飲酒無醉難賦詩豪強妨撫字姦黠玩鞭笞廢堞

群鴉集荒山雪意垂庭前一瞻眺聊爾當遨嬉

宿安平驛接行河南四道

屋西山氣合門外竹光浮總為襟懷敞不知行役愁清時
少詞想樂歲美田疇帝力知難報猶須動隱憂

南漳縣留題錄因襄陽

寂々南漳縣熙々稍可居水流穿町疇山色瞰階除水槿
能紅白芭蕉半卷舒訟庭無判牒聊復寫清虛窓下有白槿盛開
均州順流之光化縣舟中作

岸濶漸無山波平頓少灘魚來晨艇集穀熟夜廬看野處
民生遂江行旅思歡仍聞囹圄靜尤覺老懷寬

襄陽

暫駐襄陽府懷賢一惘然留名墮淚石得計遺安田醉聽
攔街唱饑餐縮項編詩人亦痴絕四美欲兼全

江濱行祠

曉出楚城東叢祠盼蠻通沙高淤象嘴波靜悶龍宮吳蜀
源流遠蕘沉世代同所祈無潰決相我歲年豐象鼻嘴沙
岸之以形

四月晦日即事

暝樹俯踈樛陰 簇廣庭連綿送月雨歷落照泥星好友
遠千里痴兒昧一經近來忘百慮恬淡養遐齡

復迴下外朝山行白浪道中二首

惴惴均房道重來又教程步溪愁石坎苦雨畏雲行履險

神魂散忘私性命輕回車從小憇呼酒賀更生
徑路紆餘出沙灣宛轉流羣山中不合萬竹翠相繆稼圃
何粗鄙桃源豈繆悠境奇詩句拙摹寫媿林丘

李清卿遷椽淮東時已貢六察椽再娶奉母登舟

將母邗溝上君舟屆遠行不須生別恨所重立脩名謝絕
山中險方來海上征續弦新井臼讀律古章程夜月孤舟
穩秋風五兩輕中臺辟書蚤便道易趨京

冬雨

十月楚天雨同雲暗八荒前山應是雪此地不成霜氣混
朝嵐重聲兼夜漏長聞庭新來往幽思渺無方

枝江縣獨坐

按部峽州

澤國持龍節蒙恩備使臣簡書時自理燈火夜相親山雪
迷殘臘溪梅借早春所憂無異政何以慰斯民

環翠亭述懷 至正元年正月

江縣閭閻合池亭水草交紅梅過年葢綠竹隔墻梢清興
詩聯集微疴酒盞拋何能遺世累雲外結松巢

次前韻寄蘇伯脩韓大雅

園令常多病稽康欲絕交遊魚躍江浦宿鳥聚松梢遠志
何時遂閒愁一昔拋故人多顯達阿閣鳳皇巢

太古詩并序

高昌拜位太古後至元丁丑拜御史廉直有令聞
汝寧民群作亂君奉命治其獄無冤濫久之初一
憲副為御史與予同僚嘗為太古字說今來山南

予亦僉憲事再徵鄰
言曰紀其事以贈
宇宙萬年外汙除百代中時艱崇譎詐世降逞姦雄效職
心如石攻邪氣似虹如君多布列廢可返淳風

高山道中早行

五月商於道驅羸戊夜行萬山分地色千澗混鷄殺野磴
乘機置山田冒險耕浮名致萍梗吾亦嘆勞生

閩鄉道中

風雨度峭岷新晴喜若何雲間瞻太華馬上看黃河心已
為形役身兼抱病多平生遠遊志垂老漸銷磨商洛秦陝
蹟亦猶山陰道中使人應接不暇長安城中碑刻亦不能
編覽况近郊乎雁塔梯級以廢曲江在其東而亦文潤一
登含元殿故基未央宮在漢城匆遽不及至但求得一瓦
而已興慶池廣袤五七餘里荷菱蒹芡弥望岸傍古垂楊

甚多東南白鹿坡甚近華葦相輝太真梳洗等樓基皆儼
然僕始至及送諸公迎送皆在長樂坡灞橋堂一過澹水
營一過華清一浴綉嶺一觀華陰顯靈宮并嶽神題名歸
程過藍關秦嶺宿藍橋現裴航洞上七盤嶺下瞰輞口莊
商山拜四皓墓及廟外此皆不暇及也予年來行四方見
山水頗多然各有可取且於長安城中望終南山天下古
今妙絕也惜病多才劣且
奪於飲宴不及富子吟咏

送王止善廣東市舶提舉嘗為兩浙運司及海道府

送子炎方去臨岐發永嘆如何醫國手祇作理財官海晏

商颿盛風清客枕安番禺天不遠佳譽徹朝端

送馮公厲江浙參政分題得揚子江

萬里岷峨水維揚會眾流雲濤傾楚尾天塹吳頭北固

山光近南冷水品優離亭風笛晚古寺月秋衮馬承新

渥旌麾鎮上游瘡痍煩撫定景物肯淹留瓜步堪凝眺燕

城動別愁江波深更濶應似廟堂憂

清苑張節婦遺腹子某今為左衛幕官節婦年八十

一綫艱危路伊人亦自賢蘭芽始撥雪桂子已叅天苦節

年齡永衰宗福澤延一時華表柱千古栢舟篇

徐元庸寒泉廬

孝子終天恨寒泉未足云水漿不入口鹿豕與同群手綫

今何在杯棬豈忍聞素冠曾有刺珍重守孤墳

送張掌儀詩并序

先正立國子監學規選伴讀生謹厚練達者二人
克掌儀凡春秋二丁洎吉月釋奠先聖弟子執贄
見先生旦夕稽拜一切禮節悉隸之東鹿張中德
被選充是職者三年一切禮節悉歸省諸生慕其謹
厚練達且近歲問有不得善去者咸惜其往賦詩
以道其情司業宋聚高諸生之誼略叙其槩而系

詩之以

之子寧親去橋門忍別離一時分祖餞六館重威儀鄉國
青山近宮牆白日移功名已在望菽水未妨遲

至元三年六月八日史局作休從伯京御史公亮太

監伯溫秘卿伯循待制暫至城西秘卿待制別去

伯京歸家予遂皆公亮回憇都水監雙清亭監掾

平伯欽留飲即席賦五言十八韻

皇都官曹盛銓衡簿領優公庭臨紫陌賓幕對滄洲樹影

移門暗荷香曲榭幽亭臺分錯繡車馬去如流市廛塵散

杳山明霽色浮廣寒南聳殿齊政北瞻樓心遠逾寥廓身

高每自由茶瓜延永晝締紛借清秋翠幄何勞扇朱簾不

不

下鈎冰盤丹果沉聲石枕碧苔留浪逆頻跳鯉萍開緩泛

船思蕩漾紅粉廢詩謳竹葉生高興甘棠叙舊遊人供

飲饌勝景得綢繆洗硯惟呼僕移牀屢召騎史才慙忝預

詩句費冥搜聯璧知何在乘駟計少休詰朝重赴局持此

詫同儔公亮泰定間嘗承是監故耳

贈墨工魏元得

煤麝搗魚胞居然品格高劑傳龍髓記香出豹囊韜詎可

飾昭應唯將錄楚騷多君遠持贈詩句少酬勞宋祥符中

治昭應宮
用廷珪墨
為飾染

送蕭同可之肇慶照磨吉州萬安人

避方殊不惡幕府獨賢勞客路離鄉近官資過嶺高溪清

石可硯颯息海無濤此去騰芳譽公車薦剡操
送李惟中西臺侍御史分題得長樂坡

秦東有古阪一舍近重城已脫峭岷隘仍瞻灞澹清柳條
前歲別草色蚤春迎舊路平如掌乘驄自不驚

絕句五言

友人借書為科舉文檢閱戲書以答之

一笑鸛搦兔終朝獺祭魚秋闈與春試却用却陰書

公安道中

碌軸如醉翁深春卧晴綠坳徑露不乾下有蚯蚓哭

小景扇

桂楫寒烟浦茅廬老樹枝西圖嗟歲暮不及見春時

訪僧不遇題壁

莎草沿階密篔簹繞檻幽禪床太清絕聊待碧雲休

子昂風竹橫披

筆意出天機倏然仰復低稍須風勢定應有鳳來棲

採蓮小景

蓮華被君採蓮實被君折相牽俱如絲如何能遽絕

仇雲軒訓其子彥中廉訪三絕句其孫今御史公度

持以求詩

柳玘著家法馬援述交情人稱世濟美誰謂公慚卿

三鷺扇頭

欲下勢翻、對立羽肅、風標儘潇洒其奈股無肉

送高句驪僧式上人東歸二首號無外

師從東國來却返東國去能操無外心何不中國住
暮餐城南粥朝踏城東塵道人心似水去住本無因

送國子生吉祥海涯還蘄州觀省

少年住京國思親不暫停豈伊居庸翠不及楚山青

磨石村口號穀城道中

偃柳礙行騎山家少憇時黑雲催上馬不省主人誰

分憲後圃二詠襄陽路

秋桃實纍、久熟雙頰赤風來墮苔徑取食味如蜜桃

雅潔玉簪花清芬莫與比不得向陽栽植根北窓底玉簪

公安早行

誤聽野雞鳴揚鞭趨驛程平明見茅屋方覺冒霜行

燕石集卷第六

律詩七言

都城雜咏四首

萬戶千門氣鬱蔥
漢家城闕畫圖中
九關上徹星辰界
三市橫陳錦繡叢
玉盃金盃丞相府
珠幢寶刹梵王宮
遠夷縱睹爭脩貢
不用雕戈塞徼通
豪傑紛々白玉京
汗顏血指戰功名
九重見帝多因鬼
萬里封侯不用兵
肥馬深塵心獨苦
鮒魚波瀾事難平
西山小隱烟蘿暗
依舊春犁趁雨耕
風物鮮妍飾禁城
豪家戚里競留情
花園錦幄清明宴
香擁珠樓乞巧棚
叱撥馬搖金轡具
幘幪車颺繡簾旌
他年

定擬持鉛槧細數繁華紀太平
流珠教調錦琵琶韋曲池臺似館娃羅袖舞低楊柳月玉
笙吹綻牡丹花龍頭瀉酒紅雲灑象口吹香綠霧斜却笑
西隣蠹書客牙籤細帙費年華

聞駕幸開平不獲瞻仰悵然有作

雲裘浮翠漾朝暎舜 雍容引紺轅駝鼓一敲 離館龍
旗小隊駐花園空聞祝輶西華道不及瞻天建德門自是
承平好行幸薰風無乃聖躬煩駕出則駝上鳴鼓謂之駝
駝鼓花園在都城之北駕

北上海
駐驛馬

明照坊對雨

章臺車馬去如流白雨霏烟拂畫樓九陌平鋪明似練雨

兩

溝急瀉碧於油美人虹見西山霽少女風來北里秋涼意
滿襟簾幕捲宮鴉歸樹夕陽收

壁月

壁月悠々上女牆六街燈市遠微茫隨車徑去柳家婢走
馬獨歸韋氏即戚里烟塵眩銀海九重宮闕接瑤光銅駝
陌上聽鼙鼓笑殺西樓白玉觴

延祐七年十一月朔小雪既上 英宗皇帝入太廟

太廟祀享致齋萬姓瞻仰喜而賦詩

五夜飛花合御溝奎輿拂曉建龍旂千官玉珮開黃道九
陌瓊枝照彩旒皓色潛消鳩鵲殿清光欲近鳳皇樓遙想
齋宮祠祀罷天恩應共海波流

相

上中書張參議

至治元年有旨命禁中結燈山有司具圖已進時濟南張公希孟參議中

書省上書諫從之且賜錢若干辭不受遂賜緡帛各一以旌之

中官傳勅構鰲山公想披雲犯玉顏紫府騰書天咫尺彤庭賜帛錦爛斑丹心濟世今能遂白髮歸田未可聞早晚

宣催大拜更將霖雨膏塵寰

送高子敬歸彭城

元龍不拜富民侯袖劍囊書苦掉頭李愿有心盤谷去阮咸無意雒中留春城寒食鶯花靜日暮鄉關汴泗流我亦挈舟江海去試從沙鳥問黃樓

寒食暫出

一百五日上街頭半晴半雨天悠悠豪家出郭車爭道少

婦當壚人上樓輦路暗生芳州遠御溝平瞰碧波流少年

直把春償酒若箇新詩紀勝遊

哭張惟健

惟健濟南張公希孟之子賢而有文才識通敏年儀俊秀禮法從容好古物善草隸

諸書當時之名公子也

天風吹下玉魚符絳節颺輪下玉虛人海渺茫思衛虎士林憔悴嘆曹蜎紛故物塵凝座寂春蒐目滿除珍重尊翁休痛哭即君方代少霞書

衛御史

故西臺御史平陽衛弼字良佐延祐初以列

世何薨後數年識其子靖卿席世賞得官亦氣節凜有父風云

御史昔乘青驄馬霜氣橫秋烏府門太白終南讓高峻涇流渭水分清渾神隨丹旆歸全晉名入青編紀大元欲識

當時真鐵面只今猶有鳳皇存

通州晚晴即事南遊湖湘

水榭空明雨脚收凝笳催上驛亭身紫霞爛剪翔鴻錦碧
草平鋪集翠裘落日關河初客路浮雲宮闕上神州誰憐
五色江郎筆真使超然賦遠遊

槽港夜泊

七月六日立新秋船窓風露涼蕭颼神祠擊鼓鴉集樹水
驛通燈魚傍舟身在江湖頻北顧眼看河漢近西流遠人
爭問京華事為說夔龍佐冕旒

江上夜泊遇京使回却寄都下諸公

風氣涼々水氣清白榆如玉絳津明橫江渡口晚潮退采

石磯頭涼月生遠道迢々蝴蝶亭舊游歷々鳳皇城群公
奮翮青雲上應笑扁舟萬里行

書湘陰謝使君廳壁

使君聽事冷于冰使君無家靜如僧門樹枕街橫暮犬戟
枝當戶照寒荷僮奴伍伯隨陽鴈曹佐書司被凍蠅料得
太常齋未足玉珂朝馬去飛騰湘陰為湖南下州而謝君
敬德三年未嘗挈家故云

爾也

雪中遊洞庭

楚酒初開臘甕邊湖船遙指暮山前卿關迢遞不歸去身
世伶仃時自憐雨雪還須送殘歲晴明應是入新年陽和
咫尺烟花媚却寫春光被管絃

除夜宿武口驛憶誠夫兄

餅筮捐拙澹無聊幾度他鄉遇此宵三十男兒尚書劍尋
常意氣自雲霄風燈直下漁歌亂斗柄旁邊帝闕遙懸想
銀臺門下客聽鷄忙赴紫宸朝

初冬之先壘即事

至治三年作先壘在南城之南東
宜泉村沙堡

烏鵲相依啄野田白駝對立飲冰泉蒲州凌薄車旋淨棘
路沙虛馬懼鞭冢上白楊時獵苑中紅葉晚翻嗟予
謾索長安米願就畊人受一廛

登第詩五首泰定元年甲子

崇天門唱名

三月吉日當十三紫霧氤氳閶闔南天子龍飛坐霄漢儒

生鵠立耀冠簪黃麾仗內清風細丹鳳樓頭曉日酣獨愛
玉階下草解將袍色染成藍

恩榮宴四月二十六日

上相傳宣弁趨玉堂西北拜奎輿歌教縹緲方壺外酒
味氤氳沈澀餘幕額錦光晴爛熳帽簷花影晝扶疎君恩
誰識深如海獨倚東風咏藻魚

同年會四月二十九日海岬之萬春園

臨水亭臺似曲江同年人物宴華堂婢一作媼媛笑弄龍香撥醺
醪深涵鳥羽觴醉後方言頻爾汝座中除目互平章從來
期集輸京雒仍見詩歌播八方

賜章服

自是年始幘頭袍帶靴銀木簡皆具簡上
仍刻御賜字金填之五月一日皆除書同

授

承平天子重科名章服分頒出大明袍是涿羅香綫細笏
勝楷木素文橫晨趨象魏雲霞祭夕奏龍墀玉雪清遙想
鳴珂朝會處鵷行爭訝被恩榮

上表謝恩五月二十一日時駕已北幸

綵繚

瑞日鮮明射玉題華袍綵繚近翠恩舍人宣贊瞻丹闕新
進趨鏘詣赤墀黃屋雲行天香邈綠章風送路逶迤湛恩
豈許須臾報要見他年獻納辭

海岫春行

染一作

越橋西下苑墻高綠染垂楊絳染桃霞擁玉樓晴啓戶風
生瑤海暮翻濤官囚立馬看花擔漁隱聞鶯罷竹篙唯有

杏園春事好幾人詩興似吾曹

送朱仁卿時江觀省

晴霞紫陌忽逢君暫託塵衣訪白雲上國離人心草北
堂慈母夢欣波衝海澨漳川合舟入鄱陽楚路分珍重
驛程詩句好不妨馳寄慰離群

和張仲容雜詩

蓬萊雲彩爛東方魚鑰開門禁漏長萬仞樓臺爭霽色九
重宮闕動秋涼羽林執戟趨神武騎客飄纓入建章獨愛
芸窓常寂莫六街車馬是誰忙時予初校書秘府

誠夫兄由兵部負外調選江浙次留別詩韻送之

鯨鯢吞餌釣槎間英蕩開丞使節函北地關河搖落後東

江湘

吳風物笑談間晴湖泛艇鷗衝槳夜卸懸燈馬卸鞍莫以
遨嬉夸小委春風今在五華山山在京西四十里

和趙魯瞻海岸冬日晚歸

白塔高標射紫霞烏棲宮樹客投家燒香人拜灣弓月穿
市兒携剪彩花首藉地眠朝退馬蒲桃園隔宴迴車人生
要縱長安眼何事能容便面遮

閏月五日即事

皇都萬家欲何往信馬悠悠成獨行繫纜橋邊春水急吹
笙樓外暮雲平金絲柳弱窻臨道羊角風高塵過城取次
韶華堪寓目詩情飲興一時生

寄題汾河石橋

河在澧州北四十里寔往來孔道州人謝氏疊石作橋壯麗宏濶予自延

祐以來凡八過其上慨念行役之苦為之惘然

灣水溶溶漾碧虛白虹高偃接雲衢深春曲岫栽楊柳落
日

含毫士莫畫寒江待渡圖

秋思書將陵驛館伴安南國使還鄂

斜陽催出鳳皇城津鼓聲沉夜櫓鳴海口風來吹酒醒漳
濱葉落喚愁生望深夕浦蒼烟暗夢入秋閨素月傾况是
潘郎年紀到二毛侵鬢不須驚時予年三十二

秋浦夜泊憶誠夫兵曹兄

悠旌旆郊亭車馬東門勞送行啣命但知談笑樂趣
裝方動別離情千山萬山風月恨十家五家砧杵聲惆悵

粉闌人下馬碧窓誰與對書檠

送哈八石文苑僉憲浙西

五雲仙珮厭朝鷄抖擻春衣着綉衣陌上好花晴幕塵津
頭行客路逶迤揚梅佐酒火寔粲鱸魚作膾銀絲肥共道
莫教辜負口不知冰蘖可充饑

雙清亭春日獨坐

時張為都水經歷雙清幕府名也

帝城何處不紅塵小海危亭獨可人
笈著身航浮上牖笙歌池館接西津
恩波浴鷺連州暖宮樹啼鶯隔岸春
不用鞭笞了官事笑談容得幕中賓

二月二十二日野寺哭張仲容

身前誰不羨詞華水散淪漪日散霞
仙桂無緣空種樹幽

蘭有種自生芽淚飄舊殯棠梨葉酒入荒臺野薺花
最是相知嗚咽處洛中松柏渺天涯

送張孟功江淮覲省就赴河南幕

清時即選重華年英妙如君衆口憐
燿寶刀新試刃冷瑶瑟舊調絃
思親將捧白鳩杖去國還浮畫鷁船
淮浦汴堤俱好在吟詩仍似水雲天

送貢泰甫還江東

河流欲冰燕鴈號僕夫出門具吳舳
三年遊子住京國一日念母還江臯
才名豈藉功名重詞氣終隨意氣高
欲識別君情繾綣臨岐持贈紫絲絛

沙垓拜掃

一百五日侍誠夫兄出南城拜掃沙垓先壟歸循宜泉橋北少東一園內有金太祖

武元皇帝碑扁守嚴秘呼主人開門讀竟憇園後
小亭四旁植卉木成列甚多時二靈壁石于巽
坤隅移時將出主人前導復由碑前過一柵門旁
鎖二猴云畜四五年矣閣者偶懷果戲擲之亦
跳梁可玩已而要坐外閣茵榻簾几事擲皆清致
以浙甌出且令人洒然少頃風作命僕就懇折花
主人送駟者辛夷花詠上馬轉至園後適李
盛開斥出以辛夷花之遂歸自豐宜門予偶有
詩思至披雲樓成唐律一章白兄抵海岸兄屬和
已就遂君寔祗監求紙商訂錄呈諸公主人周姓
好亦頗云

風花寒食舊城陬路指灣磳思致幽沙隴致錢買頌鼠郊

靡擲果調獼猴辛夷已愛園丁獻穠李尤煩步卒偷自是

詞人多樂事繁華那識抱官囚拜掃時野人獲龜醜恠可

將以歸
遺兒子

春暮雙清亭小酌懷張孟功

吏退公庭鴈鷺行持盃暫對水雲鄉山開罨畫涵晴影花
落烟肢漾晚香酒幟隔津標柳陌漁舟避浪向蒲塘懷人
不得同相賞空賦停雲第二章

曉自宦者門入院馬上口占

繚垣齊拱禁門高別苑斜連御水遙芳草有情生廣掖垂
楊無力倚危橋承宣白面風標俊入內華裾意氣驕么麼
詞臣不通籍却疑宮闕在璇霄

病唱東王君實太博

卧病三日如三秋時見謝程蘇孟儔環堵自疑溟漲外高
居獨在閭山頭醫師診視投苓朮文友過從遺脯脩獨恠
新除齊博士不來相問負薪憂謝敬德程時叔蘇伯脩孟

送道士李希白還山

洞中流水五芝肥鶴上仙人萬里歸海月伴殘丹灶火天
風吹動綉雲衣焚香秘室招王遠躡履名山訪子微聞道
長生有真訣我從何處叩岩扉

和蘇伯脩應奉上都試院夜坐韻

八月簾帷試夜寒諸公文酒度更闌然藜共喜臨天祿分
茅何勞問懶殘誰許桂枝平地折莫將花樣近來看主司
不是冬烘者解送宜勝十政官

送誠夫大監兄代祀海神

毳帽貂裘素綺裳明時遠致御封香朝端使者傳天語海
上神君見火光萬弩射潮非計策三山湛影漫文章靈來

細祝憂勤念不是求仙漢武皇

送劍州任倅

愛君儔昔賦遠遊志如鷗鷺橫霜秋抱才應辟到滇海挾
策赴調趨皇州蜀山秦樹有德色猿轂鳥道無羈愁里中
同舍不做僮坐守塵編空白頭

詠御溝

決、穿雲出壩初千迴百折到皇居行人不敢來飲馬稚
子時能坐釣魚內史府前晴澗漾雲巖觀後晚舒徐波漫
略約通丹禁風颺輜輶映畫裾三月霏烟着楊柳九秋涼
露泣芙蓉荒唐莫說流紅怨自是清漣解起予

送益陽州守楚先海涯

楚武定公阿里海涯之孫由
宿衛初官

龍節光臨澤國遙，鳳毛敬振相門高。朝辭闕陛香凝袖，暮
餞郵亭酒污袍。我愛甘棠留楚甸，誰憐鴻鴈集江皋。一州
如斗，君休薄考最，猶能張爾曹。

送賈孟善閩浙親省遂奉父之官淮安

浮雲一昔涼風起，遊子匆買去舟。喜奉嚴君辭遠徼，不
因作客別神州。白蘋漠吳江岸，紅樹蕭楚驛樓。總是
停橈觴處，知君無復有離愁。

次韵誠夫兄麗正門外晚歸

碧霄雲物獻詩題，雙闕西邊日馭低。弦月灣環城上塔，錦
霞鮮麗水南隄。仙郎下直辭鷄樹，獵騎收圍撤兔蹄。笑
間身空七尺，不因鼙鼓卧幽棲。

栢堂

劉母熊氏三十而寡不嫁其子觀作堂名栢以奉之

到處慈闈總樹萱，君家庭院擁蒼官。心非紅紫爭春意，人
似青葱奈歲寒。錦帳羅襦秋拆鳳，雲窓月戶曉栖鸞。堦墀
更有芝蘭在，掩映濃陰十畝寬。

南寧彭使君重建東坡載酒堂

儋州

柳葉柳花映祠宇，椒漿桂酒蕙肴蒸。古人不作千年恨，遺
跡猶存百代徵。兔魄何須歸玉局，是非從此見金陵。使君
作室吾儕咏，一笑俱成附驥蝇。

蘇伯脩撰分院溧陽衆仲陳君寔王有詩送行讀

之灑然動人清興走筆擬之

桑乾居庸南北京，峭山澗水相送迎。羨君于茲三扈從，憐

我不得一經行到時文酒度長晝去日車馬奔新晴鰲峰
清語應見念使僕鄙吝心中萌

琴士項崇節還新安其人居京師七年嘗為威順王
及魯國長主琴

調絃理曲世滔滔百代斜川鑒識高有耳唯廣陵散無
生不奏鬱輪袍長安米索塵凝席千里萼香月滿舸忍道
醉眠卿且去玉徽明日楚江皋

早春馬上即景書懷呈張孟功左司

日、騎馬到西城年來竟無清興生冰潭照影覺形穢雲
岫對人增眼明墨客詞流驚邂逅玉珂香轂惱逢迎鳳池
賴有知音客一曲陽春為寄聲

歐陽南陽還臨江便道之官廬陵幕府

前翰林檢閱
撫州錄判

東觀玉堂如積薪十年補外空勞神紅塵赤日能敗興白

鷺滄洲却可人相閣老槐涵墨沼官亭新柳送車輪扁舟

一月桃花浪歸及臨江上春

送李彥方福建憲副

綉衣乘遽度閩關回望皇州紫氣間輟直暫勤安赤子臨
岐誰敢嘆蒼顏陞辭此日嚴將指疏奏明年早賜環自是
輶車不游覽往來多駐武夷山

道士王用亨父母高年作壽慶堂其上世蜀人仕宋

今居江東

雲錦溪頭小有天崇文宮畔地行仙故家喬木三千里流

水桃花五百年雲液養齡春
漱灑霞衣上壽晚翩躚山中
玉斧傳真訣應向高堂說又玄

暇日小集項鍊師丹房鍊師字子虛

新秋道院涼如水載酒幽人對綠莎
移榻小窓從嘯咏抄詩別館儘經過
勞生不解談丹鼎明日堪憐動玉珂
吟罷自慚題字惡定應無計換群鵝

和孟景章早秋即事韻

葱籠仙桂壓勾欄月下婆娑玉臂寒
荷榭有風紈扇歇醉鄉無暑蔗漿殘
銀燈光散填河鵲粉香舞鏡鴛惆悵
邊衣何日就錦書同附勸加餐

李良臣之睢陽別業為其考平叔公作家廟予校書

時李為秘卿

憶昔青衫典校時尊翁作監鬢垂絲
遶山風月誰能記蒿里衣冠我獨悲
黑壤禾麻存別墅素帷香火待佳兒
舊僚猶有丹鉛筆試撰麗牲第二碑

送藝文令史宋子與驛召歐陽原功太監湘中便道

過家親省魚簡吳彥暉徵君內翰周子嘉省郎
風雪閉門貧病嬰聞君南去愜我情
萬里獨遊舊官長十年一拜賢父兄
征路快馳宛駟裏歸期應及閏清明
梁園楚岸春俱好一訪相知為寄聲

江西表慶遠由郡博士為幕職再調潮州路經歷徵

詩送行

長松礫石出霜林不分儒冠久陸沉嶺外官資雲路快城
南祖帳雪泥深紅蓮綠水無多事翡翠明珠肯動心莫道
皇都

南岳李煉師所居號盤中
南岳峻嶒倚太空盤中勝地著渠儂烟霞近接朱陵洞雷
雨潛通天柱峯仙境得名符古昔道人無事養踈慵他年
準擬尋松鶴歸日應能借竹龍
送君則林倅南還辛酉登科今為京尹主文

經筵便、玉價高帝城十載屢遊遨月中前度攀丹桂天
上今年種碧桃燕市風塵情浩、吳帆烟水興滔、仙舟
幸有金華客共與哦詩飲濁醪與胡古愚同行

閏三月七日城西訪友不遇馬上口占

寒疾連朝避風日兩今晨一出復何如扣門投刺意不愜上
馬逢人情有餘饑霍啄蟲行廣陌垂楊飄絮汎污渠暫經
馬市緇塵滿歸去蓬窗理舊書

燕石齋卷第六

山中雜詩

幽人常自靜

空山無事時

但聞松竹韻

不覺鳥鳴聲

此詩見於

卷第六

第...

...

...

...

...

...

...

...

...

...

...

...

...

